



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

15 Episcopus in Synodo dioecesisanae potest constitutiones facere absque consensu Capituli, & Cleri, ab illis tamen consilium requirere debet.

urn:nbn:de:hbz:466:1-10316

interesse debent, ut *ibid. sub tit. Tarvisin. c. ex ore. de privil. & Innoc. in c. quia super. de majorit. & obe.* eodemque ordine quo supra in Concilio Provinciali Episcoporum inferiores federe debent.

14 Muneris hujuscemodi memor Dominus meus Io. Stephanus Ferrerius, qui trigesimo primo ætatis suæ anno ecclesiæ Vercellen. gubernatione suscepit, episcopaliū virtutum studio florens, admodum salutarem, ecclesiasticæque disciplinæ valde accommodatum, & utilem usum cogendi quotannis Synodum diœcesanam ex sanctorum Patrum institutis ad facti Concilij Tridentini præscriptum, quantum in se est, retinere volens, ac conservare, ut *d. c. 2. §. Synodi. quoque, de reform. sess. 24. c. d. Concilij, & c. quondam quidem, 18. dist. primo sui Episcopatus anno in sua Cathedrali basilica Synodum convocavit, in qua nihil non egit, nihil non attigit, quod ad cleri, & populi sibi commissi Christianam, ecclesiasticamque disciplinam retinendam, atque augendam spectare judicavit, ut cap. 1. d. cap. de Concilij, & cap. non oportet, ead. 18. distin. salutariaque decreta in albo ponenda edidit, & promulgavit.*

In eam curam præcipuè incubuit, ut clericorum seminarium ante plures annos pie erectum in perfectiori forma constitueretur, ideoque illud non tantum in necessaria novæ fabricæ instauratione ad decentiorem, & commodiorem statum reduxit, adhibita etiam novi oratorij constructione, verum etiam minorum numerum augendo, eorumque munera singillatim, & accuratè præscribendo, plurimæque alia ad ejusdem seminarij perfectam directionem accomo-

data obeundo, ut omni ratione propagaretur, juxta dispositionem Concil. Trid. cap. 18. de reform. sess. 23.

Certumque locum delegit, ubi clerici in sacris constitutioni collegiatim vivere possint, ut ad presbyteratus ordinem assumendi, deque parochialibus providendi, ad populum docendum ea, quæ scire omnibus necessarium est ad salutem, ac ad ministranda Sacramenta, atque ad casuum conscientiæ cognitionem instructi, & edocti, diligenti examine præcedente, comprobentur, & admittantur, juxta ejusdem facti Conc. Trid. dispositionem, ut *cap. 14. sess. 23. cap. 18. sess. 24. & cap. 9. sess. 25. de reform.*

Præterea, ut factis reliquiis, quæ plurimæ in supradicta ecclesia, & insignes habentur, debita veneratio, & cultus adhibeatur, ut per Conc. Trid. *de invoc. vener. & reliq. sanct. §. sanctorum quoque, sess. 25. & cap. unic. eod. tit. in 6. amplum, & decentissimum reliquiarium loco eminenti pro illis recondendis impensa non parva construendum curavit. Cætera taceo, quæ in Episcopali solitudine jugiter aggreditur, non sine magna ovium sibi crediturum consolatione, & utilitate.*

15 Episcopus verò in eadem Synodo potest constitutiones facere absque consensu capituli, & cleri, licet requirendam sit ejus consilium, præterquam in casibus quibusdam à jure expressis, ut *in decis. super eod. cap. sub tit. Vercellen. & alia sub tit. Trid. Vercellen.*

Quoniam autem concilia tam generalia, quam provincialia, & diœcesana celebrantur præcipuè pro animarum salute procuranda, scandalis obviandis, & moribus reformandis, patumque esset concilio-

rum decreta condere, nisi etiam debita executioni demandentur, & qui virtutis amore parere recusant, saltem formidine pœnæ ad id sunt cogendi, † dubitatur numquid Episcopis liceat habere familiam armatam, & reos laicos in causis criminalibus ad forum ecclesiasticum spectantibus, seu mistis carceribus tradere, & alijs pœnis corporis afflictivis afficere.

† Quod liceat pro executione justitiæ, *facit text. in cap. attendendum, 17. quæst. 4.* ubi in carcerem jussu Episcopi detruditur, qui prædia ecclesiæ dedicata vexat, ubi glo. infert, ergo ecclesia habet carcerem, & infligit pœnam relegationis, & *cap. hi qui, & ibi glo. in ver. & exilio. 3. quæst. 4.* & quod Episcopus habeat carcerem, & pœnam corporis afflictivam infligere possit, aliquos verberibus castigando, probat etiam *text. in c. contra idolorum*, ubi Papa mandat Episcopis, ut idololatrias, & incorrigibiles verberari, & castigari, ac in carceribus includi faciant, & ibi glo. 26. quæst. 5. *cap. super hi, de pœnit. cap. ut same, §. laici verò junct. glo. in ver. de mandato, & in ver. quorum de sentent. excommun. & c. cum Episcopus, de off. ord.* Quæ comprobantur dispositione *text. in cap. 1. de off. ord.* in quo Joannes Papa inquit: Habeant igitur Episcopi singularium urbium in suis dioccesibus liberam potestatem, quò possint adulteria, & scelera inquirere, ulcisci & judicare, secundum quod canones censent, absque impedimento alicujus.

† Quæ verba recipiunt interpretationem, ut sine distinctione personarum, ac sine alterius Magistratus requisitione, licentia, auctoritate, & ministerio, prædicta omnia facere possint. *Abb. in d. c. 1. nu. 4. de*

*off. ord. & ibi Imol. num. 3. Dec. cons. 131. in princip. cons. 300 n. 4. & 5. Curt. lun. cons. 2. colum. 1. Ruin. cons. 18. num. 6. & 7. vol. 1. Rol. à Val. post. Archid. Bar. Bal. Butr. Alexand. Corn. Gozad. per eum citatos, dicens verbum, liberè, importare merà, & absolutam auctoritatem sine impedimento, & contradictione alicujus, in cons. 42. nu. 18. & seq. & Cravet. cons. 530. num. 10 unde, cum liberè, & sine impedimento, ac contradictione alicujus, possint reos in carceribus detrudi facere, ad necessarium antecedens requiritur, ut pro capiendis reis habeant familiam armatam, siue qua capi non possunt, quia concessio sine dieuatur concessa omnia, per quæ perveniuntur ad finem, l. ad rem mobilem, lib. ad legatum. ff. de procur. lib. & si non cognito, & si contra jus vel util. publ. cap. cum infirmitas, ext. de pœnit. & remiss. cap. quoniam, de sent. excom. in 6. & Bart. in lib. ambitiosa, nu. 17. & seq. ff. de decre. ab ord. faci. & quia Episcopi carcerem, in quem detrudant reos habere possunt, quodq; illum habuerit S. Io. Chrylostomus probat Baro. in l. Anna. Eccles. 10. §. Anna. 40. 1. pag. 143. lit. D. Quodque iudex ecclesiasticus in causis ad forum ecclesiasticum spectantibus propria auctoritate Laicos personaliter capere, & in carcerem mittere possit, tenuerunt etiam Rom. sing. 660. Felyn in cap. cum sit generale, nu. 20. de for. comp. & eandem opinionem amplectitur Covarr. pract. quæst. 10 sub num. 2. quam opinionem in puncto juris veriore esse, uti fulcitam à decreto Sacri Conc. Trid. cap. 3. ibi contra quoscunque etiam laicos per multas pecuniarias, seu per captionem pignorum personarumque distinctionem per suos proprios, aut alienos executores faciendam *sess. 25. de resor. testatur Ignatius**